

綱鑑易知錄

唐

五十八卷

113

537

31



イ 13  
537  
卷 31

尺木堂綱鑑易知錄卷五八

花房仙水

周之炯靜專

通鑑綱目定本

山陰吳乘權楚材同輯

周之燦星若

唐紀

文宗皇帝

綱丁巳二年春三月彗星見五卷出書自是國無他

以大喪綱夏四月以柳公權為諫議大夫異間一歲而目上對中

書舍人柳公權等於便殿上舉衫袖示之曰此衣已

此衣已三

綱鑑易知錄 卷五八 唐文宗

柳公權有  
諍臣風采

石經成

三澣澣澣也矣。時衆皆美上之儉德。公權獨無言。上問其故。對曰。陛下貴為天子。富有四海。當進賢退不肖。納諫諍。明賞罰。乃可以致雍熙。服澣濯之衣。乃末節耳。上曰。朕知舍人不應復為諫議。以卿有諍臣風采。須屈卿為之。故有是命。**綱**以陳夷行同平章事。**綱**秋七月。太子侍讀韋溫罷。**目**溫晨詣東宮。日中乃得見。因諫曰。太子當雞鳴而起。問安視膳。不宜專事宴安。太子不能用其言。溫乃辭侍讀。**綱**冬十月。國子監石經成。詳二三八**綱**李固言罷。

李石志身  
殉國

**綱**戊午三年春正月。盜射石傷李石。**綱**以楊嗣復李珣覺同平章事。李石罷為荆南今湖廣節度使。**目**李石承甘露之亂。見上卷人情危懼。宦官恣橫。忘身殉國。故紀綱粗立。仇士良深惡之。潛遣盜殺之。不果。石懼。辭位。上深知其故。而無如之何。從之。**綱**以李宗閔見上卷為杭州今浙江刺史。**綱**夏五月。禁諸道言祥瑞。**目**太和文宗之末。杜悰鎮鳳翔今陝西。時有詔沙汰見十四僧尼。會有五色雲見於岐山在鳳翔府。近法門寺見二五六。民間訛言佛骨見上降祥。以僧尼不

杜悰不奏  
白兔

安之故。監軍欲奏之。悰曰：雲物變色，何常之有？未幾獲白兔。監軍又欲奏之。悰曰：野獸未馴，且宜畜之。旬日而斃。監軍不悅，畫圖獻之。及鄭注代悰，奏紫雲見，又獻白雉。是歲遂有甘露之變。及悰判度支，見上卷二河中，見上卷三二奏騶虞，仁獸，白虎，黑文，尾長於身，見百足不履，生草食自死之肉。官稱賀。上謂悰曰：李訓、鄭注皆因瑞以售其亂，乃知瑞物非國之慶。卿在鳳翔，不奏白兔，真先覺也。對曰：昔河出圖，伏羲以畫八卦，見一卷六洛出書，大禹以敘九疇，見二卷五皆有益於人，故足尚也。至於禽獸草木之

杜悰真先覺

裴度遺表  
半橐

瑞何時無之。願陛下專以百姓富安為國慶，自餘不足取也。上善之，遂詔諸道有瑞皆勿以聞。綱冬十月，太子未卒，太子頗好遊宴，昵近小人，楊賢妃日夜毀之，幾廢。至是暴薨。綱已未，四年春三月，司徒中書令晉文忠公裴度卒。度鎮河東，今山西太原府以疾求歸東都，詔入知政事。正月至京師，不能入見，勞去聲賜旁如午，凡物交橫為旁，午，謂使者分布也。至是薨。上怪度無遺表，問其家，得半橐，以儲嗣未定。為憂言不及私。度身貌不踰中人，而威望遠達四夷。四夷見唐使，輒問度老少，用捨，以身繫國家輕重。

裴度比郭子儀

流品

如郭子儀者二十餘年。綱夏五月鄭覃罷為右僕射。夜陳夷行罷為吏部侍郎。綱以姚勛檢校禮部郎中。目上以鹽鐵推官姚勛能鞠窮罪也。推疑獄命權知職。方員外郎右丞韋溫奏郎官朝廷清選不宜以賞能。吏上乃以勛檢校禮部郎中仍充舊職。楊嗣復曰溫志在澄清流品。隋置九品品各有從自太師始焉謂錄事及五省令史之流內唐因隋制又置九品自諸衛始焉謂之流外。若有吏能者皆不得清流則天下之事孰為陛下理之恐似衰晉之風。然上素重溫終不奪其所守。綱秋七月以崔郾丹同平章事。綱冬十

文宗自比周赧漢獻

月立陳王成美為皇太子。目楊妃請立皇弟安王溶為嗣。上謀於宰相李珣非之。乃立敬宗少子成美為皇太子。上傷太子之死舊疾。見上卷遂增十一月疾少閒。如字。間瘳也。坐思政殿召當直學士周墀。墀問曰朕可方前代何主。對曰陛下堯舜之主也。上曰朕豈敢比堯舜。所以問卿者何如。周赧漢獻耳。墀驚曰彼亡國之主豈可比聖德。上曰赧獻受制於彊諸侯今朕受制於家奴。以此言之殆不如也。因泣下霑襟。墀伏地流涕。自是不復視朝。

武宗以奪位殺姪

綱庚申五年春正月立潁王瀍為皇太子。廢太子成美為陳王。目上疾甚欲命太子監國中尉仇士良魚弘志以太子之立功不在已。矯詔立瀍為太弟。以成美冲幼復封陳王。綱帝崩太弟殺陳王成美遂即位。書賀善贊曰文宗恭寬勤儉多可紀者然深忌朋黨而不知所辨欲去宦闈而不知所倚篇中所載非二李之出入則訓注之始末也至於太子以暴薨而不書暴太弟以矯詔立而不書矯綱目尤不滿焉。即位書遂譏遠也陳綱夏五月楊嗣復罷以崔霸先嘗書之矣於是再見綱夏五月楊嗣復罷以崔珙拱同平章事。綱秋八月葬章陵。在西安府富平縣天乳山綱李珣罷九月以李德裕同平章事。目初上之立非宰相

致理之要在辨邪正

意故楊嗣復李珣相繼罷去名德裕。見上卷二六而相之德裕入謝言於上曰致理之要在於辨羣臣之邪正夫邪正二者勢不相容正人指邪人為邪邪人亦指正人為邪人主辨之甚難臣以為正人如松柏特立不倚邪人如藤蘿非附他物不能自起故正人一心事君而邪人競為朋黨先帝深知朋黨之患然所用卒皆朋黨之人良由執心不定故姦邪得乘間。乘間處而入也夫宰相不能人人忠良或為欺罔主心始疑於是旁詢小人以察執政如德宗末年所聽任者

常令政事  
皆出中書

惟裴延齡輩宰相署敕而已。此政事所以日亂也。陛下誠能慎擇賢才以為宰相，有姦罔者立黜去之。常令政事皆出中書，推心委任，堅定不移，則天下何憂不理哉？又曰：先帝於大臣好為形迹，小過皆含容，不言。日累月積，以至禍敗，茲事大誤。願陛下以為戒。臣等有罪，陛下當面詰之，小過則容其悛，論改大罪則加之誅譴。如此君臣之際無疑間矣。上嘉納之。**綱**冬十一月，以李中敏為婺州刺史。金華府。內謁者監仇士良請以開府蔭其子為千牛。官名掌執御刀以宿衛者。

李敏中判

給事中李中敏判云：開府階誠宜蔭子，謁者監何由有兒？士良慚恚。李德裕亦以中敏為楊嗣復之黨，惡之，出為刺史。

武宗皇帝

名瀼，後更名炎，穆宗第五子。文宗崩，宦者仇士良等立之。在位六年，壽三十三歲而崩。帝英敏特達，委任李德裕而澤潞平。三鎮不敢有異志，享國不末，功業未究，惜哉。

**綱**辛酉，武宗皇帝會昌元年春三月，以陳夷行同平

章事，**綱**殺知樞密劉弘逸、薛季稜，貶楊嗣復、李珣、遠

州刺史裴夷直。

先是出為杭州刺史，故事新天子即位，兩省官同署名，上之，即位。夷直漏

名故驩州，見五五

出之。驩州卷六。司馬**目**劉弘逸、薛季稜有寵於文

綱

唐武宗

杜悰奔馬見李德裕

詔羣臣言事毋得乞留中

受法錄于趙歸真

宗仇士良惡之上之立非二人及宰相意故嗣復珣  
 既罷士良屢譖弘逸等勸上除之於是賜二人死仍  
 遣中使就誅嗣復及珣杜悰奔馬見李德裕曰天子  
 年少新即位茲事不宜手滑德裕乃與崔珙崔鄴陳  
 夷行三上奏願開延英殿名賜對遂入泣涕極言上乃  
 追還二使更貶嗣復等綱夏六月詔羣臣言事毋得  
 乞留中綱詔臣下言人罪惡並應請付御史臺按問  
 毋得乞留中以杜讒邪綱上受法錄于趙歸真道士也  
 秋九月以牛僧孺為太子大師綱先是僧孺鎮襄

陽今湖廣襄陽府漢水府城北溢壞怪民居李德裕以為僧  
 孺罪而廢之綱冬十一月崔鄴罷

綱壬戌二年春二月以李紳同平章事綱以柳公權

為太子詹事綱散騎常侍柳公權素與李德裕善崔  
 珙奏為集賢殿名學士德裕以恩非已出因事左遷之

綱夏五月陳夷行罷綱秋七月以李讓夷同平章事

綱八月以白敏中為翰林學士綱書敏中為學士文  
 德裕素惡居易之事於下此乃李林甫元載盧杞  
 之故智也德裕所為如此其相業不終豈不宜哉綱  
 上聞白居易名欲相之以問李德裕德裕素惡居易



李德裕追論維州事

無憂城

乃言居易衰病不任朝謁其從弟敏中辭學不減居易且有器識故有是命  
綱癸亥三年春二月崔珙罷綱三月贈悉怛謀右衛將軍目李德裕言維州見上卷十八據高山絕頂三面臨江在戎虜平川之衝是漢地入兵之路自為吐蕃所陷號曰無憂城從此得以併力西邊憑陵近甸臣到西蜀空壁來歸南蠻震懾山西八國皆願內屬可減八處鎮兵坐收千餘里舊地當時不與臣者望風疾臣詔執送悉怛謀等令彼自戮絕忠款之路快兇虐

之情乞追獎忠魂各加褒贈故有是命綱夏四月昭

義節度治山西使劉從諫薨其子稹軫自為留後詔

諸道發兵討之目初從諫累表言仇士良罪惡遂與

朝廷相猜恨及疾病與幕莫客張谷等謀效河北見

五卷三十諸鎮以弟之子稹為都知兵馬使至是薨稹祕

不發喪逼監軍崔士康奏稱從諫疾病請命其子稹

為留後宰相諫官多以為回鶻見五卷餘燼盡未滅

去年八月回鶻烏介可汗入寇是年正邊鄙猶須警

備復討澤潞即昭義軍澤今山西國力不支李德裕

綱監易和錄

卷五十八 唐武宗

八

海濱與河  
朔三鎮不  
同

獨曰澤潞事體與河朔也。河北三鎮。成德治直隸真定。名府盧龍治。直隸未平府。不同。河朔習亂已久，人心難化，是故累朝以來，置之度外。澤潞近處腹心，一軍素稱忠義，如李抱真成立此軍，德宗猶不許承襲。見五五卷七。敬宗不恤國務，宰相又無遠略，劉悟之死，因授從諫。見五七卷十二。使其跋扈。見五六卷二八。垂死之際，復以兵權擅付豎子。若又因而授之，則諸鎮誰不思效其所為？天子威令不復行矣。上曰：卿以何術制之，果可克否？對曰：積所恃者三鎮，但得鎮。鎮州即魏州，即大名府。不與之同，則積

李德裕論  
克劉稹

李德裕草  
詔

無能為也。若遣重臣往諭王元逵。成德節度使庭湊子。何弘敬。魏博節度使何進滔子，初名重順，進滔卒，以重順為魏博節度使，賜名弘敬。以河朔自艱難以來，列聖許其傳襲，已成故事。與澤潞不同，今將加兵澤潞，不欲更出禁軍。其山東三州。邢洺磁。委兩鎮攻之，賊平之日，將士並當厚加官賞。苟兩鎮聽命，不從旁沮撓官軍，則稹必成擒矣。上喜曰：吾與德裕同之，保無後悔。遂決意討稹。羣臣言者不復入矣。上命德裕草詔，賜元逵、弘敬曰：澤潞一鎮，與卿事體不同，勿為子孫之謀，欲存輔車。昌遮之勢。左傳：僖公五年，晉、魯輔車相依。

綱鑑易知錄

卷五十八 唐武宗

九

築望仙觀於禁中

車相依。唇亡齒寒者。其虞號之謂也。註輔。類輔。車牙。則輔車相依。貌。如齒在裏。號如頰。輔如唇。在表。號存。滅則唇亡。齒寒。但能顯立功效。自然福及後昆。上曰。當如此直告之。是也。又賜盧龍節度使張仲武詔。令專禦回鶻。元逵弘敬得詔。悚息聽命。德裕又以分司賓客李宗閔與劉從諫交通。不宜實。置之東都。奏以為湖州。今浙江。刺史制削奪從諫及積官爵。以王元逵何弘敬為招討使。與河東。今山西。節度使劉沔。河陽。見五六。節度使王茂元。合力攻討。綱以崔鉉同平章事。綱築望仙觀。貫於禁中。書法見三。綱六月內。

天子不可令開

侍監仇士良致仕。目上外尊寵士良。內實忌之。士良頗覺。遂以老病致仕。其黨送歸私第。士良教之曰。天子不可令。平聲。閑常宜以奢靡娛。魚。其耳目。使日新月盛。無暇更及他事。然後吾輩可以得志。慎勿使之讀書。親近儒生。彼見前代興亡。心知憂懼。則吾輩疎斥矣。其黨拜謝而去。

致堂胡氏曰。士良狡黠。思所以蠱君者。密矣。然知其利而不知其害者也。已無疎斥之道。以忠信謹厚服其職。亦何用蠱君。然後得安。苟欲自安。而蠱君。至於危亡之地。則豈有君亡而我存之理。其禍豈止於疎斥而已哉。故士良之術。自以為智。實則愚也。

李回宣慰河北

綱秋七月遣御史中丞李回宣慰河北三鎮見上詔遣御史中丞李回宣慰河北令幽州今直隸順天府早平回鵠鎮魏早平澤潞回至河朔弘敬元達仲武皆具橐鞬見五六郊迎立於道左不敢令人控馬讓制使先行自兵興以來未之有也回明辯有膽氣三鎮無不奉詔

綱甲子四年春三月以趙歸真為道門教授先生綱夏六月詔削仇士良官爵籍其家綱秋七月以杜悰同平章事目上聞揚州今江甯揚州府倡女善為酒令敕監

杜悰得大臣體

杜悰比魏徵

軍選而獻之監軍請節度使杜悰不從監軍怒表其狀左右因請救悰同選上曰敕藩方選倡女入宮豈聖天子所為杜悰得大臣體朕甚愧之遽敕勿選召悰入相勞聲去之曰卿不從監軍之言朕知卿有致君之心今相卿如得一魏徵太宗賢相矣綱八月邢洛磁俱見卷二三州降郭誼斬劉稹以降目劉稹年少懦弱押牙王協兵馬使李士貴用事專聚貨財府庫充溢而將士有功無賞由是人心離怨邢州將裴問請降於王元逵洛州守將王釗昭磁州守將安玉聞之皆請

李德裕請  
誅郭誼

降於何弘敬。李德裕曰：昭義根本，盡在山東。三州降，則上黨即潞安府昭義節度治也不日有變矣。上曰：郭誼押牙必梟劉稹以自贖。德裕曰：誠如聖料。潞人聞三州降，大懼。郭誼王協謀說劉稹以兵授誼，束身歸朝。稹許之，遂殺稹滅其族。函首遣使奉表降於王宰。河陽行營攻討使宰以狀聞。宰相入賀。上曰：郭誼宜如何處之？德裕對曰：劉稹淮上聲孺子耳，阻兵拒命，皆誼為之謀主。及勢孤力屈，又賣稹以求賞，此而不誅，何以懲惡？宜及諸軍在境，并誼等誅之。上曰：朕意亦以為然。乃詔石

憲宗武宗  
皆失

雄晉絳行營節度使將七千人入潞州。雄至潞州，盡執郭誼王協等送京師，皆斬之。

司馬溫公曰：董重質之在淮西，郭誼之在昭義，吳元濟、劉稹如木偶人在伎兒之手耳。始則勸人為亂，終則賣主，規利其死，固有余罪。然憲宗用之於前，武宗誅之於後，臣愚以為皆失之。何則？賞姦非義也，殺降非信也。失義與信，何以為國？如誼等流之遠方，沒齒不還，可矣。殺之非也。

綱加李德裕太尉，賜爵衛國公。綱加李德裕太尉，衛國公。德裕辭。上曰：恨無官賞卿耳。初，德裕以比年將帥出兵屢敗，其弊有三：一者，詔令下軍前者，日有三四；宰相多不預聞，二者，監軍各以意見指揮軍事，將

李德裕面  
諭河北使  
者

帥不得專進退。三者每軍各有宦者為監使。悉選軍  
中驍勇數百為牙隊。其有戰陳鬪者皆怯弱之士。  
每戰視事勢小却輒引旗先走。陳從而潰。德裕乃  
與樞密使楊欽義劉行深議約。敕監軍不得預軍政。  
每兵千人聽取十人自衛。有功隨例霑賞。二樞密皆  
以為然。白上行之。自非中書進詔意更無他詔自中  
出者。號令既簡將帥得以施其謀略。故所向有功。河  
北三鎮每遣使者至京師。德裕常面諭之曰。河朔兵  
力雖強不能自立。須藉朝廷官爵威命以安軍情。語

去汝使與其使大將邀敕使以求官爵何如自奮忠  
義立功立事結知明主乎且李載義為國家平滄  
隸河間府今河間府景州及為軍中所逐不失作節度使  
太和五年正月盧龍將楊志誠逐其節度使楊志誠  
李載義七年六月以李載義為河東節度使楊志誠  
遣大將遮敕使馬求官及為軍中所逐朝廷竟不赦  
其罪太和七年八月加盧龍節度使楊志誠為吏部  
尚書志誠怒不得僕射畱官告使朝廷不得已  
矣由是三鎮不敢有異志

二人禍福  
足觀

華陽范氏曰古之明王天下有不順者必諄諄  
面告教之再三不可然後征之則其民知罪而

用兵有辭矣。自唐之失河朔。或討伐之。或姑息之。不聞有文告之命。戒救之辭也。是以兵如而不服。恩厚而愈驕。李德裕以一相而制御三鎮。如運之掌。使武宗享國長久。天下有不平者乎。

綱冬十一月。貶牛僧孺為循州今廣東肇慶長史。流李宗

閔於封州今廣東肇慶府封川縣。目李德裕言於上曰。劉從諫

見上據上黨見上十年。太和中入朝。僧孺宗閔執政

不畱之。加宰相。縱去。加以同平章。事而遣歸鎮。以成今日之患。上

遂貶僧孺等。

綱乙丑五年夏五月。杜悰崔鉉罷。以李回同平章事。

綱秋七月。詔天下佛寺僧尼並勒歸俗。綱冬十月。以

詔僧尼並勒歸俗

道士劉玄靜為崇玄館學士。目玄靜固辭還山許之。

遂昌尹氏曰。方書毀佛寺。勒僧尼。即書以劉玄靜為崇玄學士。則其崇尚異端。特有好惡偏私之異耳。非灼然明達不惑者也。綱目特揭道士書之。則是非得失瞭然見矣。

綱十二月。貶韋弘質為某官。考異云。為某二字。綱目無此例。目李

德裕秉政日久。好徇愛憎。人多怨之。左右言其太專。

上亦不悅。給事中韋弘質上疏言宰相權重。不應更

領三司錢穀。德裕奏曰。制置職業。人主之柄。弘質受

人教導。所謂賤人圖柄。臣謂執權非所宜言。弘質貶

官。由是眾怒愈甚。綱詔罷來年正旦朝會。目初上。餌

李德裕奏貶韋弘質

武宗服金丹性加燥

道士以為換骨

皇太叔

方士方外之士金丹性加燥急喜怒不常問李德裕以外事對曰陛下威斷不測外人頗驚懼天下既平願陛下以寬理之使得罪者無怨為善者不驚則天下幸甚上自秋來已覺有疾而道士以為換骨至是詔罷正旦朝會

綱丙戌六年春三月立光王忱為皇太叔帝崩太叔

即位綱終綱目書皇太叔一而已矣稱太叔初憲

宗納李錡見五五妾鄭氏生光王怡幼時宮中皆以

為不慧太和文宗年號以後益自韜匿及上疾篤諸宦官

宣宗隱德

毛髮灑浙

上京增八寺復度僧尼

密於禁中定策下詔以皇子冲幼立怡為皇太叔更

名忱令權句構當軍國政事太叔見現百官哀戚滿

容裁決庶務咸當於理人始知有隱德焉上崩以李

德裕攝冢宰宣宗即位德裕奉冊既罷上謂左右曰

適近我者非太尉邪每顧我使我毛髮灑浙綱夏四

月尊帝母鄭氏為皇太后綱李德裕罷為荆南見上

節度使綱德裕秉權日久位重有功衆不謂其遽罷

聞之莫不驚駭綱趙歸真等伏誅五月詔上京增置

八寺復度僧尼綱武宗惑於方士而廢斥浮屠宣宗



皆不顧理之是否惟務相反而已

綱目合而書之識者自可觀矣綱以白敏中同平

章事綱六月定太廟為九代十一室復祀代宗以敬

代為九代法書開元嘗書增太廟為九室矣此其書定

十一室何譏也廟有定制三昭三穆與太祖之

廟而七不可增也而增之非也增之音玄宗開元十

而多所改定亦非也故書定深議之註年六月制增

太廟為綱秋八月葬端陵在西安府綱以牛僧孺為

衡州今湖廣長史李宗閔為郴反丑森州今湖廣司馬

綱僧孺宗閔及崔珙楊嗣復李珣等五相皆武宗所

貶逐至是同日北遷宗閔未行而卒綱九月鄭肅罷

以盧商同平章事綱以李景讓為浙西今浙江觀察

使綱初景讓母鄭氏性嚴明早寡家貧子幼每自教

之宅後牆陷得錢盈船母祝之曰吾聞無勞而獲身

之災也天必以先君餘慶矜其貧而賜之則願諸孤

學問有成此不敢取遽命掩而築之景讓宦達髮已

斑白小有過不免捶楚弟景莊老於場屋每被黜母

輒撻景讓然景讓終不肯屬祝主司曰朝廷取士自

有公道豈可效人求關節乎綱冬十月上受三洞法

錄法書前書受法錄於趙歸真矣於是復書病宣宗也

身半年之間相反如此則以長錄者亦宣宗也一人之

生老說足以惑其心而已矣

李母

李景讓不屬主司

宣宗皇帝名怡更名忱憲宗第十三子武宗崩子幼

宦官立忱為皇太叔嗣位在位十三年壽五十歲而崩。帝精於聽斷以舉為明無復仁恩自是而唐衰矣。

綱丁卯宣宗皇帝大中元年春二月以李德裕為太

子少保分司。目初德裕引白敏中入翰林及德裕夫

勢敏中竭力排之使其黨訟德裕罪故有是命。綱盧

商罷。以崔元式韋琮同平章事。綱閏月敕復廢寺

是時君臣務反會昌之政故僧尼之弊皆復其舊。綱夏六月以令狐綯楚之

為考功郎中知制誥。秋八月李回罷。綱冬十二月

貶李德裕為潮州今廣東潮州府司馬。

白敏中排李德裕

綱戊辰二年春正月貶丁柔立為南陽今河南南陽府尉。目

初李德裕執政有薦丁柔立清直可任諫官者德裕

不能用至是為右補闕上疏訟德裕寬坐阿附貶。

丁柔立諡李德裕寬

致堂胡氏曰公者君相之要道也李德裕政事公私參半是非莫掩宜宗去其非取其是則公道得矣乃又以好惡偏黨勝之故雖竄德裕而人終不服也。丁柔立必克已正心之人也使宣宗而留意公道則柔立正可獎用者乃不能然自為偏私也欲臣子之奉公難矣。

綱二月以令狐綯為翰林學士。目上嘗以太宗所撰

金鏡書名金鏡錄授綯使讀之至亂未嘗不任不肖治未

嘗不任忠賢止之曰凡求致太平當以此言為首。又

丁柔立克已正心之人

致太平以此言為首

書貞觀政要於屏風

書貞觀太宗政要於屏風每正色拱手而讀之綱夏

五月崔元式罷以周墀馬植同平章事目初墀為義

成節度治直隸大名府滑縣使辟壁舉也韋澳與為判官及為相

願相公無權

謂澳曰何以相助澳曰願相公無權墀愕然澳曰官

賞刑罰與天下共其可否勿以己之愛憎喜怒移之

天下自理何權之有墀深然之綱秋九月貶李德裕

為崖州今廣東瓊州府司戶綱冬十一月韋琮罷

綱己巳三年春正月以韋宙為御史目上與宰相論

元和憲宗循吏孰為第一周墀曰臣嘗守土江西今

西省治南昌府閩觀察使韋卅功德被於八州沒四十年老

杜牧撰韋卅遺愛碑

穉歌思如卅尚存詔史館脩撰杜牧撰卅遺愛碑仍

擢其子宙為御史綱夏四月周墀罷為東川今四川涪州

節度使目墀諫上開邊忤旨遂罷翰林學士鄭顥皓

言於上曰周墀以直言入相亦以直言罷上深感悟

加檢校右僕射夜綱以崔鉉魏扶同平章事綱秋七

月克復河湟見上卷綱冬閏十一月加順宗憲宗諡

號目宰相以克復河湟請上尊號上曰憲宗嘗有志

復河湟未遂而崩今乃克成先志耳其議加順憲二

綱蓋易口象 卷五十八 唐宣宗 十八

廟尊諡以昭功烈綱李德裕卒。

李德裕以燕伐燕

華陽范氏曰裴度李德裕皆有功烈為唐賢相。大中以後無繼之者德裕才優於度而德器不及也。蓋度不為黨而德裕為黨。是以度雖為小人所傾而能以功名終。德裕一失勢而斥死海上也。雖牛僧孺之黨多小人德裕之黨多君子。然其因私以害公挾勢以報怨則一而已。夫惟天吏可以代燕德裕自為朋黨而欲破朋黨此以燕伐燕也。孔子曰克伐怨欲不行焉可以為難矣。又曰君子矜而不爭羣而不黨。德裕克伐怨欲必行焉矜而爭羣而黨其能免也乎。

綱庚午四年夏四月貶馬植為常州今江南常州府刺史與

中人馬元綱六月魏扶卒以崔龜從同平章事綱秋

九月貶孔溫裕為柳州今廣西柳州府司馬目党項見五二

為邊患發兵討之連年無功補闕孔溫裕上疏切諫

上怒貶之溫裕見五六之子也既而殘弟子吏部

侍郎溫業亦求補外白敏中謂同列曰我輩須自黜

檢孔吏部不肯居朝廷矣綱冬十月以令狐綯同平

章事

綱辛未五年冬十月以魏謩謩同平章事目時上春

秋已高尚未立太子羣臣莫敢言謩入謝因言今海

內無事惟未建儲副使正人輔導臣竊以為憂且泣

時人重之綱冬十一月崔龜從罷

畢誠比類

綱壬申六年夏六月以畢誠為邠寧見五二節度使

目党項復擾邊上欲擇帥而難其人從容與翰林畢

誠論邊事誠援古據今具陳方略上悅曰不意頗牧

廉頗李牧皆戰國末趙之良將近在禁庭卿其為朕行乎誠欣然奉

命綱秋八月以裴休同平章事冬十月畢誠招諭

党項降之十二月復禁私度僧尼

綱甲戌八年春正月朔日食罷元會綱秋九月以高

少逸為陝虢見五四觀察使目有敕使過硤洽石山

在陝怒餅黑鞭驛吏見血少逸以聞上責敕使謫配

恭陵其後上召翰林學士韋澳屏內左右問之曰近

日內侍權勢如何對曰陛下威斷非前朝之比上閉

目搖首曰全未全未尚畏之在策將安出對曰若與

外庭議之恐有太和之變即文宗太和九年甘露之變也不若就其

中擇有才識者與之謀上曰此乃末策朕已試之矣

上又與令狐綯謀盡誅宦官綯恐濫及無辜密奏曰

但有罪勿捨有闕勿補自然漸耗耗本字至於盡矣宦

者竊見其奏由是益與朝士相惡南北司見上卷如

水火矣綱冬十月以李行言為海州今江南海州刺史

令狐綯計除宦官

帖名殿柱

目上獵於苑北。遇樵夫。問其縣令為誰。曰：李行言。為政如何。曰：性執。有強盜數人。匿軍家。索之。竟不與。盡殺之。上歸。帖其名於寢殿之柱。及除刺史。入謝。上賜之金紫。見五十五卷五取帖示之。

綱乙亥九年春二月。以李君奭為懷州刺史。目初上

校獵渭上。渭水上有父老十數。聚於佛寺。上問之。對曰：

醴泉今陝西西安府醴泉縣百姓也。縣令李君奭有異政。考滿

當罷。詣府乞畱。故此祈佛。冀諧所願耳。及懷州今河南

手筆除君奭

府刺史闕。上手筆除君奭。上聰察彊記。天下奏獄吏

處分語

卒姓名。一覽皆記之。嘗密命翰林學士韋澳纂次州

縣境土風物。及諸利害。為一書。號曰處分語。他日鄧

州今河南南陽府鄧州刺史薛弘宗入謝。出謂澳曰：上處分本

州事。驚人。澳詢之。皆處分語中事也。

宣宗縣令才

華陽范氏曰：宣宗挾摘細微。以驚服其羣下。小過必罰。而大綱不舉。欲以一人之智。周天下之務。而不能與賢人共天職也。譬如廉刻之吏。謹治簿書。期會而不知為政。特一縣令才耳。豈人君之德哉。

綱秋七月。崔鉉罷為淮南今江南揚州府節度使。綱冬十一

月。以柳仲郢為鹽鐵轉運使。

建太子則  
朕遂為閑  
人

韋澳辭判  
戶部

綱丙子十年春正月以鄭朗同平章事夏五月以  
韋澳為京兆尹綱六月裴休罷為宣武節度治河南開封府  
使目初上命休極言時事休請早建太子上曰若建  
太子則朕遂為閑人休不敢復言以疾辭位從之綱  
多十一月以崔慎由同平章事

綱丁丑十一年春正月以韋澳為河陽節度使目澳  
嘗奏事上欲以澳判戶部以心力衰耗難處繁劇為  
辭上不悅及歸其甥柳玘辨平聲仲郢之子尤之澳曰主上  
不與宰相僉議私欲用我人必謂我以他岐得之何

時事浸不  
生

魏暮綽有  
相風

以自明且爾知時事浸不佳乎由吾曹貪名位所致  
耳遂出鎮河陽今河南懷慶府孟縣綱二月魏暮罷為西川治  
川成都府節度使目上樂聞規諫凡諫官論事門下封駁  
苟合於理多屈意從之得大臣章疏必焚香盥手而  
讀之嘗欲幸華清宮見五十一卷二諫官論之上為去聲之止  
暮為相每議事正言無所避上每歎曰暮綽有祖魏  
也風我心重之然竟以剛直為令狐綯所忌而出之  
綱秋七月以蕭鄴同平章事冬十月鄭朗罷綱遣  
使迎道士軒轅複集於羅浮山在廣東惠州府博羅縣法書士多

道士綱目  
取二人

矣。綱目取二人焉。司馬承禎軒轅集是也。承禎不書道士予之也。集亦在所予者。則其書道士何為迎之也。書司馬承禎見四七卷三四。上好神仙。迎軒轅集至長安。問

曰。長生可學乎。對曰。王者屏欲而崇德。則自然受

何處更求  
長生

天遐福。何處更求長生。留數月求還山。乃遣之。綱。戊寅十二年春正月。以劉瑒篆同平章事。二月。

崔慎由罷。上欲御樓肆赦。令狐綯曰。御樓所費甚

廣。事須有名。且赦不可數。上不悅。曰。遣朕於何得

名。慎由曰。陛下未建儲宮。四海屬望。若舉此禮。雖

郊祀亦可。況於御樓。時上餌方士藥。已覺燥渴。疑忌

方深聞之。俛首不復言。旬日慎由罷相。

餌藥以敗  
者六七君

華陽范氏曰。天下無異道。未有衆人皆死而欲一已獨不死者。也由秦漢以來。乃有神仙服食不死之說。故人心多惑。聖道不明。此其一端也。而人主有甘心焉。以唐考之。自太宗至於武宗。又敗以藥至。以儲嗣為諱。惡豈不蔽甚矣哉。

綱。夏四月。以夏侯孜同平章事。五月。劉瑒卒。綱。秋。

七月。河南北淮南大水。書。盜賊之陰兆矣。自是龐勛

遂以亡變。不虛生信哉。綱。冬十月。以于延陵為建州刺史。延

陵入謝。上曰。建州今福建。去京師幾何。對曰。八千里。

上曰。卿到彼為政。善惡朕皆知之。勿謂其遠。此階前

階前萬里



長日惟消一局棋

則萬里也。卿知之乎。令狐絢擬李遠杭州今浙江杭州府刺史。上曰。吾聞遠詩云。長日惟消一局棋。安能理人。絢曰。詩人託此為高興耳。未必實然。上曰。且令往試觀之。詔刺史毋得外徙。必令至京師。面察其能否。然後除之。令狐絢嘗徙其故人為隣州刺史。便道之官。上以問絢。對曰。以其道近。省送迎耳。上曰。朕以刺史多非其人。為百姓害。故欲一一訪問。知其優劣。以行黜陟。而詔命既行。直廢格閣不用。宰相可謂有權時方寒。絢汗透重裘。上臨朝。接對羣臣如賓客。雖左右近

宣宗重刺吏之選

習。未嘗見其有情容。每宰相奏事。旁無一人立者。威嚴不可仰視。奏事畢。忽怡然曰。可以閑語矣。因問閭閻細事。或談宮中遊宴。無所不至。一刻許。復整容曰。卿輩善為之。朕常恐卿輩負朕。後日不復得再相見。乃起入宮。令狐絢謂人曰。吾十年秉政。最承恩遇。每延英殿奏事。未嘗不汗沾衣也。綱十二月。以蔣伸同平章事。回伸從容言於上曰。近日官頗易得人。思傲驕。上驚曰。如此則亂矣。對曰。亂則未亂。但傲倖者多。亂亦非難。上稱歎再三。曰。異日不復得獨對卿矣。

伸不諱尋拜相

綱已卯十三年秋八月帝崩鄆運王催上即位

初上長子鄆王溫無寵愛第三子夔王滋欲以為嗣

宣宗每染痘發於背

為其非次故久不建東宮上餌李玄伯等藥痘發於

背宰相不得見上密以夔王屬祝王歸長等三人使

立之獨左軍中尉王宗實素不同心三人相與謀出

宗實為淮南今江南揚州府監軍宗實已受敕將出左軍副

使乃其元實謂曰聖人不豫踰月中尉何不一見聖

人而出乎宗實感悟復入至寢殿上已崩宗實叱歸

長等責以矯詔皆捧足乞命乃迎鄆王立為太子權

句構當軍國政事更名淮取歸長等殺之太子即位

是為懿宗宣宗性明察沉斷用法無私從諫如流重

惜官賞恭謹節儉惠愛民物故大中宣宗年號之政訖於

唐亡人思誅之謂之小太宗綱尊皇太后為太皇太

后李玄伯等伏誅冬十一月蕭鄴罷十二月以

杜審權同平章事令狐絢罷以白敏中同平章事

懿宗皇帝名淮宣宗長子在位十四年壽三十一歲而崩。帝驕奢無度淫樂不俊李氏之亡

於茲決矣

小太宗

王式平浙  
東

綱庚辰懿宗皇帝咸通元年春正月浙東治浙江賊  
裘甫作亂。目初裘甫攻陷象山今浙江寧波觀察使  
鄭祇德遣兵討之。大敗甫遂陷剡今紹興府嵊縣開府  
庫募壯士。衆至數萬人。綱葬貞陵在西安府涇陽縣仲山內。綱三  
月以王式爲浙東觀察使發諸道兵討裘甫破之。綱  
夏六月王式擒裘甫送京師斬之。目諸將還越即紹興府  
式大置酒諸將請曰某等生長軍中久更耕行陳今  
幸得從公破賊然私有所不論者敢問公之始至軍  
食方急而遽散之式命諸縣開倉廩以賑貧乏或曰軍食方急不可散也式曰非汝所

王式論用  
兵

知何也。式曰此易知耳。賊聚穀以誘飢人。吾給之食。  
則彼不爲盜矣。且諸縣無守兵。賊至則倉穀適足資  
之耳。不置烽燧或請爲烽燧以誦賊式笑而不應。烽燧見四四卷十七。誦音兄去聲。侯  
何也。式曰烽燧所以趣促救兵也。今兵盡行無以  
繼之。徒驚士民使自潰會亂耳。使懦卒爲候騎而少  
給兵式選懦卒使乘健馬少給之。何也。式曰彼勇卒  
操利兵遇敵且不量力而鬪鬪死則賊至不知矣。皆  
拜曰非所及也。綱秋九月以白敏中爲司徒中書令。  
綱冬十月追復李德裕官爵贈左僕射從右拾遺劉

綱夏侯攷罷以畢誠同平章事。

綱辛巳二年春正月白敏中罷以杜悰同平章事。

置戒壇度僧尼

綱壬午三年春正月蔣伸罷夏四月置戒壇度僧尼。

尼秋七月以夏侯攷同平章事。

綱癸未四年夏四月畢誠罷為兵部尚書誠以同列多徇私不法稱疾綱五月以楊收同平章事杜審權罷六

月杜悰罷以曹確同平章事綱秋八月以吳德應為

館驛使綱臺諫上言故事御史巡驛不應忽以內臣

代之上諭以救命已行不可復改左拾遺劉蛻退上

言自古明君所尚者從諫如流豈有已行而不改且

救自陛下出之自陛下改之何為不可弗聽綱冬十

月以令狐滈象上為詹事司直目初以令狐滈為左

拾遺拾遺劉蛻上言滈專家謂專父兄之權無子弟之法布

衣行公相之權起居郎張雲言滈父絢用李涿為安

南今安南國治交州府致南蠻至今為梗由滈納賄陷父於惡

絢執政時人號滈白衣宰相滈亦引避故有是命

綱甲申五年春三月彗星見上出目彗出於婁宿名長

三尺司天監奏按星經是名含譽瑞星也上大喜請

彗星為瑞

合狐滈白衣宰相

宣示中外於是編諸史策從之。綱夏四月以蕭寘同平章事。冬十一月夏侯孜罷以路巖同平章事。

綱乙酉六年春正月以杜宣猷為宣歙見五三卷十二觀察使。自宦官多閩治福建人。宣猷為福建觀察使每寒

食見五二卷二二遣吏分祭其先壟塚也。宦官德之故有是命。

時人謂之敕使墓戶。綱三月蕭寘卒。夏四月以高

璩渠同平章事。六月高璩卒以徐商同平章事。

綱丙戌七年冬十月楊收罷。

綱丁亥八年秋七月以于琮同平章事。

敕使墓戶

龐助亂徐泗

綱戊子九年秋七月桂州戍怒卒作亂判官龐助勳

將之冬十月陷宿州。囚觀察使崔彥曾。十一月詔

遣康承訓發諸道兵討之。十二月賊陷滁和州攻泗

州不克。綱初南詔陷安南咸通三年南詔陷安南。南詔見上卷十八安南見

上今江南。泗今江南鳳陽府泗州募兵二千赴援。分八百

人別戍桂州今廣西桂林府。初約三年一代。至是戍桂者已

六年。屢求代。還徐泗。觀察使崔彥曾性嚴刻。押牙尹

勘等用事。以軍帑空虛不能發兵。請令更畱戍一年。彥曾從之。戍卒聞之怒。都虞候許佶等作亂。推糧料

判官龐勛為主。劫庫兵北還。所過剽掠。州縣不能禦。朝廷屢敕崔彥曾慰撫之。彥曾遣使諭以救意。道路相望。勛至徐城。乃言於衆曰。吾輩擅歸。思見妻子耳。今聞已有密敕下本軍。至則滅族。與其自投網羅。曷若相與戮力。并力也。同心赴湯蹈火。豈徒脫禍富貴可求也。衆皆呼躍稱善。遂於遞驛遞也。中申狀。乞停尹勘等職任。彥曾命都虞候元密等將三千人討勛。復命宿今鳳陽府宿州。泗州出兵邀之。密至任山。頓兵不進。欲俟賊入館。乃擊之。賊訶兄去聲。刺探也。刺音戚。知之。夜遁。官軍

引退。賊至符離。秦縣故城。在宿州。宿州戍卒出戰。望風奔潰。會賊遂攻城。陷之。賊知彭城即徐州。無備。還聚彭城。彥曾始選城中丁壯為守備。內外震恐。無復固志。賊至城陷。囚彥曾。殺尹勘等。即日城中願從者萬餘人。詔以將軍康承訓為行營都招討使。王晏權戴可師為南北面招討使。大發諸道兵以討之。承訓奏乞沙陀西突厥苗裔。本號朱邪。其地有大磧。名三部落。使朱沙陀後因以沙陀為號。以朱邪為姓。耶耶赤心帥以自隨。詔許之。勛以李圓攻泗州。久不克。遣其將吳迴代攻。晝夜不息。十二月。賊陷都梁城。

康承訓請朱邪赤心自隨

故城在鳳陽府盱眙縣都梁山下。據淮口。淮水漕驛路絕。承訓軍新

與兵纔萬人。以衆寡不敵。退屯宋州。今河南南歸德府。勛乃遣

其將攻陷滁。州。今江南。殺刺史高錫望。又寇和州。

今江南。刺史崔雍引賊入城。賊遂大掠。泗州授絕糧。

和州。盡辛讜。雲京之孫。以浙西。治浙江。杭州府。軍至楚州。今江南。淮安府。

賊水陸布兵。鑲。同。斷。短。淮。流。讜。募。敢。死。士。數。十。人。先。

以四舟乘風直進。死戰。斧斷其鑲。帥衆揚旗鼓諫。而

前。賊見其勢猛銳。避之。遂得入城。

綱。己丑。十年。春。二月。康承訓大敗賊將王弘立於鹿

辛讜。泗州。

塘。寨名在河南開封府襄城縣。綱。夏。四月。龐勛殺崔彥曾。自稱天

冊將軍。與官軍戰。大敗。勛走歸彭城。綱。馬舉救泗州。殺賊

將王弘立。泗州圍解。六月。徐商罷。以劉瞻同平章

事。綱。秋。八月。賊將張玄稔以宿州降。引兵進平徐州。

龐勛死。賊諸寨皆殺其守將而降。綱。冬。十月。以張玄稔為驍衛大將

軍。康承訓為河東。見上。節度使。杜悛。完守。備以待賊。

李圓攻。為義成。見上。節度使。朱邪赤心為大同軍。治

西大。節度使。賜姓李名國昌。辛讜為亳州。今鳳陽府。刺

史。

朱邪赤心。賜姓名李國昌。

綱庚寅十一年春正月貶康承訓為恩州今廣東肇慶府陽江縣司馬路巖韋保衡上言承訓討龐勛時逗撻不進又貪虜獲不時上功貶之綱三月

曹確罷夏四月以韋保衡同平章事保衡始為右拾遺尚同昌公主

是年八月公主薨上痛悼不已殺醫官二十餘人收其親族三百餘人繫獄宰相劉瞻與京兆尹溫璋等

力諫上大怒叱出之綱秋九月貶劉瞻為驩州司戶溫璋為振

州司馬見上劉瞻罷為荆南二節度使溫璋貶振州

今廣東瓊州府崖州司馬璋歎曰生不逢時死何足惜仰藥

而飲卒韋保衡又與路巖共譖劉瞻云與醫官通謀投毒藥貶康州今肇慶府德慶州刺史翰林學士承旨鄭畋

鄭畋自判

草制曰安數畋之居仍非已有却四方之賂惟畏人

知巖謂畋曰侍郎乃表薦劉相也坐貶梧州今廣西梧州府

刺史巖素與瞻論議不協既貶猶不快閱十道圖以

驩州見上去長安萬里再貶之綱冬十一月以王鐸

同平章事綱十二月以李國昌為振武軍名治山西太原府代州

節度使綱辛卯十二年夏四月路巖罷出鎮西川今成都府綱五月

上幸安國寺賜沈攸之講坐二各綱以劉鄩同平章事

綱壬辰十三年春二月于琮罷以趙隱同平章事綱



秋七月以李璋為宣歙見上觀察使。初韋保衡欲以其黨裴條為郎官。憚左丞李璋方嚴恐其不授。乃先遣人達意。璋曰。朝廷遷除不應見問。保衡怒。出之。**綱**癸巳十四年春正月遣使迎佛骨。夏四月至京師。書法見五**目**上遣敕使詣法門寺見上迎佛骨。羣臣諫者甚衆。至有言憲宗迎佛骨尋晏駕見十卷者。上曰。朕生得見之。死亦無恨。及至京師儀衛之盛過於郊祀。**綱**六月王鐸罷。**綱**秋七月帝崩。普王儼即位。**目**上疾大漸。病甚也。周書顧命疾大漸中尉劉行深韓文約立上少

子普王儼為皇太子。權構當軍國政事。帝崩。太子即位。時年十二。是為僖宗。**綱**八月關東河南大水。**綱**九月貶韋保衡為賀州今廣西平樂府賀縣刺史。尋賜死。**綱**冬十月以蕭倣同平章事。十一月貶路巖為新州刺史。**史**

尺木堂綱鑑易知錄卷五十八

尺木堂綱鑑易知錄卷五九

通鑑綱目定本

山陰吳乘權楚材同輯

周之燦星若

唐紀

僖宗皇帝

名儼懿宗少子為宦官所立。在位十五年。壽二十七歲而崩。昏庸相繼禍亂相仍。

民愁盜起不可復支矣。

綱甲午僖宗皇帝乾符元年春正月關東旱饑賜

路巖死。綱二月葬簡陵。在西安府富平縣紫金山。綱趙隱罷。以

裴坦同平章事。夏五月卒。以劉瞻同平章事。秋八月卒。目瞻之貶也。人無賢愚莫不痛惜。及還長安。兩市東西街也人率募錢顧百戲迎之。瞻聞之。改期由他道而入。初瞻南遷。劉鄴附於韋路。韋保衡路巖共短之。至是鄴懼。延瞻置酒。瞻歸而薨。人以為鄴鳩。見十一卷一之也

**綱**以崔彥昭同平章事。冬十月。劉鄴罷。以鄭畋盧攜同平章事。**綱**十一月。濮州今山東東昌府濮州人王仙芝作亂。自懿宗以來奢侈日甚。用兵不息。賦斂愈急。關東連年水旱。州縣不以實聞。百姓流殍。無所控訴。相

王仙芝作亂

聚為盜。所在蜂起。是歲王仙芝聚眾數千人。起於長

垣。今直隸大名府長垣縣

**綱**乙未二年春正月。以田令孜為中尉。目上之為普

王也。小馬坊使田令孜官者有寵。及即位。使知樞密。遂

擢為中尉。上專事遊戲。政事一委令孜。呼為阿父。令

孜頗讀書。多巧數。納賄除官。不復關白。

致堂胡氏曰。唐自明皇以來。尊寵宦者。德宗始委以禁兵。文宗以後。天子由其所以立。故其末流子孫。至於如此。夫國之興也。未有不由親賢。及其衰也。猶以小人取敗。況祖宗所在。不正則後世必有甚焉者矣。是以明王必慎其所與。恐開禍亂之源也。若僖宗者。又何貴焉。

阿父

黃巢應王  
仙芝

大蝗

綱夏五月蕭傲卒。六月以李蔚畏同平章事。綱王  
仙芝陷濮曹州冤句。渠人黃巢聚眾應之。目仙芝及  
其黨尚君長攻陷濮上。曹今山東兗州府曹州。冤句縣名。故  
州界。人黃巢善騎射。喜任俠。卷二十三。粗涉書傳。屢舉  
進士不第。遂與仙芝共販私鹽。至是聚眾應之。攻掠  
州縣。民之困於重斂者。爭歸之。數月之間。眾至數萬。  
綱秋七月大蝗。目飛蝗蔽日。所過赤地。京兆尹楊知  
至。奏蝗不食稼。皆抱荆棘而死。宰相以下皆賀。綱冬  
十二月。以宋威為諸道行營招討使。目王仙芝寇沂

州。見五三。平盧。鎮名。治山東青州府。節度使宋威請帥兵討賊。

故有是命。

綱丙申三年春三月崔彥昭罷。以王鐸同平章事。綱

夏六月雄州。故城在陝西寧夏地。地震裂。水涌出。壞州城及

舍。皆盡。綱秋七月宋威擊王仙芝於沂州。大破之。綱

詔忠武軍名治河南。節度使崔安潛發兵討王仙芝

綱丁酉四年春二月王仙芝陷鄂州。今湖廣武昌府。綱黃巢

陷鄆州。見五六。綱秋七月王仙芝黃巢圍宋州。今河南

德府。賊圍宋威於宋州。將軍張自勉將忠  
武兵七千救之。殺賊二千餘人。賊解圍遁去。

綱監易知錄

卷五九 唐僖宗

三

綱目卷之九

綱目 戊戌五年春正月招討副使曾元裕大破王仙芝

於申州今河南汝寧府信陽州 詔以為招討使張自勉副之

大同軍見上卷亂殺防禦使段文楚推李克用為留

後 振武見上卷節度使李國昌之子克用為沙陀

二見上卷九 副兵馬使愬蔚鬱州今大同府蔚州時河南盜賊

蜂起沙陀兵馬使李盡忠與牙將康君立薛志勤程

懷信李存璋等謀曰今天下大亂朝廷號令不復行

於四方此乃英雄立功名取富貴之秋也李振武功

大官高名聞天下其子勇冠貫諸軍若輔以舉事代

李克用起蔚州據大

見同 北不足平也眾以為然會代北荐賤饑連歲漕

運不繼防禦使段文楚頗減軍士衣米軍士怨怒盡

忠遣君立潛詣蔚州說克用起兵除文楚而代之克

用曰吾父在振武俟我稟之君立曰今機事已泄緩

則生變於是盡忠夜執文楚繫獄克用帥其眾趨

雲州即大同府行收兵眾且萬人盡忠送符印請克用為

留後而殺文楚克用遂入府視事表求敕命朝廷不

許國昌上言請速除防禦使若克用違命臣請帥本

道兵討之終不愛一子以負國家朝廷乃以盧簡方

李國昌不愛一子以

綱目卷之九

唐僖宗

四

負國家

會元裕平  
王仙芝

李國昌拒  
命

為防禦使。詔國昌語去聲克用令迎候如常儀。除克用  
 官必令稱愜。**綱**二月。曾元裕大破王仙芝於黃梅。今湖  
廣黃州府斬之。**綱**黃巢自稱衝天大將軍。陷沂。濮。俱  
黃梅縣上掠宋。見上汴。汴州今河南**綱**夏四月。以李國昌為大同  
 節度使。國昌不奉詔。回朝廷以克用據雲中。即雲以  
 李國昌為大同節度使。以為克用必無以拒也。國昌  
 欲父子并據兩鎮。得制書毀之。殺監軍。與克用合兵。  
 進擊寧武。軍名故址在大及岢嵐軍。見四一**綱**五  
 月。鄭畋盧攜罷。**綱**以豆盧瑑虜複瑑崔沆抗上同平

宰相每出  
趨轅盈路

章事。且時宰相有好施試者。常以囊貯錢自隨。行施  
 句蓋也者。每出。襪亦作藍縷盈路。有朝士以書規  
 之曰。今百姓疲弊。寇盜充斥。相公宜舉賢任能。紀綱  
 庶務。損不急之費。杜私謁之門。使萬物各得其所。何  
 必如此行小惠乎。宰相大怒。**綱**六月。以高駢縵為鎮  
 海節度使。王仙芝餘黨。剽掠浙西。今浙江杭州府  
 朝廷以西川治四川節度使高駢先在天平。軍名治  
州府東有威名。仙芝黨多見上人。乃徙駢鎮浙西。  
**綱**秋七月。黃巢寇宣州。今江南入浙東。治浙江**綱**九

綱鑑易知錄

卷五九

唐僖宗

五

吳越王錢鏐

月李蔚罷以鄭從讜同平章事綱冬十二月黃巢陷福州今福建福州府綱曹師雄寇掠二浙浙西浙東王仙芝餘

黨曹師雄寇掠二浙杭州募兵使石鏡在杭州府臨安縣治南山

之東峰有圓石徑二尺七寸其光如鏡都將董昌等將兵討之臨安人

錢鏐以驍勇事昌為兵馬使

綱已亥六年春正月高駢遣將分道擊黃巢大破之

巢趣趨廣南今廣東道綱嶺南西道治邕州今廣西南寧府節度使

辛讜遣使如南詔目初辛讜遣賈宏等使南詔見上卷二

相繼道死時讜已病風痺秘脚冷溼病名攝巡官徐雲

辛讜忠義

虔執其手曰遣使入南詔而相繼物故吾子既仕則

思徇國能為此行乎讜恨風痺不能拜耳因嗚咽煙人

流涕雲虔曰士為知己死敢不承命讜喜厚其資

裝而遣之雲虔至善闡今雲南府城驃信猶漢言君也見之

與抗禮使人謂曰貴府牒移文也欲使驃信稱臣奉表

貢方物驃信已遣人與唐約為兄弟不則舅甥何表

貢之有雲虔曰驃信之先由大唐之命得合六詔見南詔

為一恩德深厚中間小忿罪在邊鄙今驃信欲脩

舊好去聲豈可違祖考之故事乎順祖考孝也事大國

徐雲虔諭南詔

李迨腕可  
斷表不可  
草

義也。息戰爭。仁也。審名分禮也。四者皆令德也。可不  
勉乎。驟信待雲虔甚厚。授以木夾。用三黑漆板夾繫  
文書刻字於上謂  
之木。遣還。然猶未肯奉表稱貢。綱夏四月。以王鐸為  
行營招討都統。綱秋七月。黃巢陷廣州。綱黃巢上表  
求廣州。今廣東廣州府節度使。朝廷不許。巢遂急攻廣州。陷  
之。執節度使李迨。調使草表。迨曰。予代受國恩。親戚  
滿朝。腕可斷。短表不可草。巢殺之。高駢奏請遣兵馬  
使張璘。鄰將兵五千於郴。丑森州。今湖廣守險。留後  
王重任將兵八千於循。今廣東惠州府潮。今廣東潮州府二州邀遮。

高駢良策

自將萬人自大庾嶺。見三九趣廣州擊黃巢。巢必逃  
遁。乞救王鐸以兵三萬守梧。今廣西梧州府昭。今廣西平樂府桂。今  
西桂。求。今湖廣四州之險。不許。  
致堂胡氏曰。高駢所建良策也。而朝廷不  
從。則亦崔沆。豆盧瑑。昧於制勝之道耳。  
綱冬十月。以高駢為淮南。治廣陵。今江節度使。綱黃  
巢陷潭州。綱巢士卒罹。離瘴疫死者什三四。其徒勸  
之北還。以圖大事。巢乃自桂州編筏沿湘。湘而下。抵  
潭州。今湖廣攻陷之。綱王鐸罷。以盧攜同平章事。  
綱庚子。廣明元年春正月。沙陀。李國昌寇。析代。今山

綱監易知錄

卷之九 唐僖宗

七



原府忻州。逼晉陽。即太原府。綱二月殺左拾遺侯昌業。書僖宗傳  
昏亂殺諫臣宜矣以昏主亂朝而拾遺補昌業以  
關猶有人焉書所以罪僖宗而予昌業也  
 盜賊滿關東而上專務遊戲賞賜無度田令攷專權  
 無上社稷將危上疏極諫上大怒召昌業至內侍省  
 賜死。上善騎射劍槊屬牙法算至於音律指博。見三卷末  
 無不精妙好蹴鞠鬪雞。見十三卷十九卷尤善擊毬嘗謂優  
 人石野猪曰朕若應擊毬進士舉須為狀元對曰若  
 遇堯舜作禮部侍郎恐陛下不免駁放。謂不收取而放逐之上  
 笑而已。綱三月以高駉為諸道行營都統。綱夏六月

侯昌業極諫賜死

擊毬狀元

黃巢陷宣州。見上綱秋七月黃巢渡江。綱李可舉盧  
節度使討李克用大破之。李琢蔚朔節度使。蔚朔今  
於陰山在朔州北塞外。黃巢敗之。國昌克用亡走達。捷與鞞之別部居  
鞞鞞見四黃巢渡淮。綱冬十一月  
華陰縣東綱以王徽裴澈鞞同平章事盧攜自殺。田令  
 攷聞巢已入關恐天子責已乃歸罪於攜貶為賓客  
 分司而薦徽澈為相攜仰藥仰首而死綱黃巢入長  
 安上走興元。法書唐世播越多矣或書如或書奔未有

李國昌李克用亡走達鞞

僖宗走興元

黃巢陷宣州。見上綱秋七月黃巢渡江。綱李可舉盧  
節度使討李克用大破之。李琢蔚朔節度使。蔚朔今  
於陰山在朔州北塞外。黃巢敗之。國昌克用亡走達。捷與鞞之別部居  
鞞鞞見四黃巢渡淮。綱冬十一月  
華陰縣東綱以王徽裴澈鞞同平章事盧攜自殺。田令  
 攷聞巢已入關恐天子責已乃歸罪於攜貶為賓客  
 分司而薦徽澈為相攜仰藥仰首而死綱黃巢入長  
 安上走興元。法書唐世播越多矣或書如或書奔未有

賤者之舉。鳳翔今陝西博野府博野縣。援兵至

渭橋。見十一卷十四。見新軍衣裘溫鮮。大怒掠之。更為巢鄉。

向導以趨長安。既入城。令攷帥神策。見五七卷二九。兵五百

奉帝自金光門出。惟福穆澤壽四王及妃嬪數人從。

行。百官皆莫之知。上趨略谷。見二八卷十六。鳳翔節度使鄭

畋謁於道次。請畱鳳翔。上曰。朕不欲密邇巨寇。且幸

興元。今陝西漢中府。徵兵以圖收復。卿可糾合鄰道。勉建大

勳。畋曰。道路梗澀。澀本字。奏報難通。請得便宜從事。許

之。綱黃巢僭號。目巢殺唐宗室在長安者無遺類。遂

入宮。自稱大齊皇帝。改元金統。以其將尚讓為太尉。

黃巢號大齊

後梁祖朱全忠

朱三非常

鄭畋首倡大義

王處存入

王重榮入

入宮。自稱大齊皇帝。改元金統。以其將尚讓為太尉。

巢將礪宕山今江南徐州。朱溫屯東渭橋。見十一卷六

溫少孤貧。與兄存昱欲。依蕭縣。今徐州蕭縣。劉崇家崇數

笞辱之。崇母獨憐之。戒家人曰。朱三非常人。汝曹

善遇之。綱鳳翔節度使鄭畋合鄰道兵討賊。綱車駕

至興元。詔諸道出兵收復京師。綱義成治直隸大名府滑縣。節

度使王處存舉兵入援。綱黃巢遣朱溫攻河中。今山西平

陽府。節度使王重榮與戰大破之。遂入援。綱辛丑。中和元年。春。正月。帝幸成都。目西川治四川成都府

綱

綱

節度使陳敬瑄宣遣兵奉迎請幸成都。田令孜亦勸上。上從之。綱以蕭進同平章事。綱以樂朋龜為翰林學士。綱裴澈自賊中奔詣行在。見三三三卷六時百官未集。乏人草制。右拾遺樂朋龜謁田令孜而拜之。由是擢為翰林學士。兵部郎中張濬先亦拜令孜。至是令孜召朝貴飲酒。濬恥於眾中拜之。乃先謁令孜謝酒。及賓客畢集。令孜言曰。令孜與張郎中清濁異流。當蒙不外。既慮玷辱。何憚改更。耕今日於隱處謝酒。則又不可。濬慙懼無所容。綱二月。以王鐸同平章事。綱加

張濬隱處謝酒

李友金名李克用

高駢東面都統。綱上遣使趣駢討黃巢。道路相望。駢終不出兵。綱三月。以鄭畋為京城四面諸營都統。綱赦李克用。遣李友金名之。綱沙陀。見上三李友金入援。至絳州。今山西平陽府絳州刺史瞿稹謂曰。賊勢方盛。未可輕進。乃俱還代州。見上七募兵得三萬人。皆北方雜胡。稹與友金不能制。友金乃說監軍陳景思曰。吾兄司徒父子。李國昌勇略過人。為眾所服。請奏天子。赦其罪。名以為帥。則代北之人。一麾響應。賊不足平也。景思遣使言之。詔如所請。友金以五百騎迎之。克用

高駢屯東塘

帥達靺見諸部萬人赴之。綱鄭畋傳檄吸。徵。天下。合兵討賊。綱夏五月高駢移檄討賊出屯東塘。目有雙雉集廣陵見上七淮南。府舍占者以為城邑將空之兆。駢惡之乃移檄四方云將入討黃巢發兵八萬舟二千艘搜。船。之。總。名。出屯東塘諸將數請行期駢託風濤為阻竟不發。綱六月以鄭畋為司空同平章事都統如故。秋七月以韋昭度同平章事。綱殺左拾遺孟昭圖。目上日夕專與宦官同處議天下事待外臣殊薄。左拾遺孟昭圖上疏曰天下者高祖太宗之天下非

殺孟昭圖

北司見上卷二之天下。天子者九州四海之天子。非

北司之天子。北司未必盡可信。南司未必盡無用。若

天子與宰相了無關涉。朝臣皆若路人。臣恐收復之

期尚勞宸慮。疏入令致屏內不奏。矯詔貶昭圖嘉州

今四川司戶遣人沉去。聲。於墓。頤津在四川眉州城

聞者氣塞。綱八月星交流如織。或大如杯。碗晉惠

書五星互經天縱橫無常大異也於是而書。註音晉惠

交流如織大如杯。碗亂亡之徵大抵然矣。綱壽州今江南鳳

屠者王緒與妹夫劉行全聚眾五百盜據本州。月餘

星交流如織大如杯

綱鑑易知錄

卷五九

唐僖宗

十一

復陷光州。今河南汝寧府光州有衆萬餘人。蔡州即汝寧府刺史秦

宗權表為光州刺史。固始今汝寧府固始縣縣佐王潮及弟

審邦規審知皆以材氣知名。緒以潮為軍正。信用之

高駢罷兵還府

綱九月高駢罷兵還府。目駢與鎮海節度見上使周

寶俱出神策軍。見上駢以兄事實及封壤相隣。數朔

爭細故。遂有隙。駢留東塘百餘日。詔屢趣促之。駢上

表託以寶將為後患。復罷兵還府。其實無赴難心。但

但欲禳雉集之異

欲禳雉集之異耳。綱以董昌為杭州刺史。目高駢召

董昌至廣陵。錢鏐見上說昌曰。觀高公無討賊心。不

若去之。昌從之。自石鏡見上引兵入據杭州。見上周

寶表為杭州刺史。綱冬十月裴澈罷。鄭畋赴行在

綱壬寅二年春正月。以王鐸為諸道行營都統。二

月朱溫據同州。今陝西西安府同州綱以鄭畋為司空。同平章

事。軍事一以咨之綱夏四月。王鐸以諸道兵逼長安。綱秋九

月朱溫以華州今西安府華州降。王鐸以為同華節度使。目

朱溫見巢兵勢日蹙。知其將亡。遂舉州降。綱冬十月

以朱溫為河中見上行營招討副使。賜名全忠。綱十

一月李克用將沙陀趣趨河中。目黃巢兵勢尚彊。王

朱溫賜名全忠

楊復光計  
名李克用

重榮謀於都監楊復光。南面行營復光曰：鴈門即代州見

上李僕射。李克用驍勇有彊兵，素有徇國之志，所以不

來者，以與河東結隙耳。去年六月，克用謀河東，稱奉

諫閉城，設備而犒給之。克用縱沙陀剽掠，若以朝旨

喻鄭公而名之，必來。來則賊不足平矣。時王鐸在河

中，乃以墨敕名克用，喻鄭從讜。克用遂將沙陀見上

萬七千人趣河中，不敢入太原。今山西太原府境，獨

以數百騎過晉陽。即太原府城下，別從讜，從讜厚贈之。綱

十二月，以李克用為鴈門節度使。目李克用將兵四

張軍

萬至河中，皆衣黑，賊憚之，曰：鴟鴟軍至矣，當避其鋒。

李克用收  
復長安

綱癸卯三年夏五月，李克用破黃巢，收復長安。目李

克用與忠武見上將龐從河中見上將白志遷等引兵

先進，與黃巢軍戰於渭南。見三五二一日三捷，義成見上

九義武軍名，治直隸真定府定州等諸軍繼之，賊衆大奔。克用等

入京師，巢焚宮室遁去。詔克用同平章事。克用時年

二十八，於諸將最少，而兵勢最彊，破黃巢，復長安，功

第一，諸將皆畏之。克用一目微眇，時人謂之獨眼龍。

綱六月，黃巢取蔡州。見上節度使秦宗權降之，合兵圍

獨眼龍

陳州今河南開封府綱秋七月以朱全忠為宣武治汴州即開封節度使綱鄭畋罷為太子太保以裴澈同平章

事

綱甲辰四年夏四月李克用會許今開封府許州汴徐今河南徐州

汴州今山東兗州府之軍于陳州黃巢退走綱五月黃巢趣

汴州李克用等追擊大破之尚讓帥眾降巢收餘眾

奔兗州綱李克用至汴州朱全忠襲之克用走還書

書還何予克用也曷為予之克用之兵足以破全忠而不敢以私復怨是猶有天子也書襲書還而是非矣綱六月尚讓敗黃巢于瑕丘賊黨斬巢以降目

黃巢平

尚讓追黃巢至瑕丘今兗州府嶧陽縣敗之巢眾殆盡巢甥

林言斬巢兄弟妻子首將詣時溥感化軍節度使時在徐州沙陀

見軍奪之并斬言以獻綱秋七月時溥獻黃巢首遣

獻之也綱李克用表乞討朱全忠詔諭解之目李克用

還晉陽見上大治甲兵奉表自陳為朱全忠所圖將佐

三百餘人并牌印皆沒不返乞遣使按問發兵討之

朝廷方務姑息苟安也得表大恐但優詔和解之克用

終鬱鬱不平時藩鎮相攻者朝廷不復為之辨曲直

由是互相吞噬惟力是視皆無所稟受矣

李克用鬱鬱不平

遂昌尹氏曰前書全忠襲克用則其曲固在矣至是又書克用乞討全忠言討則罪在全忠矣分別曲直使之各得其所以也兩置不問果何為者故綱目但書詔諭解之以見當時臧否不亦未如之何也而已是果誰之咎哉

田令孜殺曹知愨

綱八月進李克用爵為隴西今陝西臨洮府郡王綱冬十一月田令孜殺內常侍曹知愨目初宦者曹知愨有膽略黃巢陷長安知愨集壯士據嵯峨山在西安府涇陽縣數遣人變服夜入長安攻賊營賊驚疑不自安朝廷聞而嘉之就除內常侍田令孜惡之矯詔使邠寧見

二十七卷節度使王行瑜襲殺之令孜由是益驕橫禁制天子不得有所主斷上時語左右而流涕

綱乙巳光啓元年春正月詔招撫秦宗權目黃巢雖

平宗權復熾寇掠焚翦其殘暴又甚於巢上將還長

安畏宗權為患詔招撫之綱車駕發成都綱王緒陷

汀廳漳二州目秦宗權責租賦於光州見上刺史王緒不能給宗權怒發兵擊之緒懼悉舉光壽見同上二

州兵五千人渡江轉掠江今江西九江府洪今江西南昌府虔今江西



田令孜自兼兩池權鹽使

三月車駕至京師。秦宗權僭號。詔以時溥為行營都統討之。綱夏四月田令孜自兼兩池權鹽。

酒使法書則令孜之罪也。書曰自兼深罪之。先是

安邑今山西平陽府安邑縣解蟹縣今平陽府解州兩池兩鹽池皆隸鹽

鐵中和僖宗年號以來河中見上節度使王重榮專之。令

孜奏復舊制。自兼兩池使。收其利以贍軍。重榮論訴

不已。令孜乃徙重榮為秦寧節度治山東兗州府使以王處

存代之。仍詔李克用以河東見上太原兵援處存赴鎮。

重榮自以有復京城功為令孜所擯不肯之。兗州累

表數上聲令孜十罪。令孜結邠寧見上節度使朱玫梅鳳

翔見上節度使李昌符以抗之。綱秋八月王緒前鋒

將擒緒奉王潮為將軍。王緒至漳州以道險糧少

令軍中無得以老弱自隨犯者斬。惟王潮兄弟扶其

母以從。緒責之曰。軍皆有法。未有無法之軍。汝違吾

令而不誅。是無法也。潮等曰。人皆有母。未有無母之

人。將軍奈何使人棄其母乎。緒怒命斬其母。潮等曰。

潮等事母如事將軍。既殺其母。安用其子。請先母死。

將士皆為之請。乃捨之。有望氣者謂緒曰。軍中有王

王潮扶母從軍

者氣於是緒見將卒有勇略及氣質魁岸者皆殺之  
衆皆自危行至南安今福建泉州府南安縣潮說其前鋒將伏

壯士篁竹中擒緒反縛以徇行示也遂奉潮為將軍引

兵圍泉州綱冬十月田令孜遣朱玫李昌符攻河中

李克用救之十二月進逼京城中上奔鳳翔綱十月王

重榮求救於李克用克用方怨朝廷不罪朱全忠聚

結諸胡議攻汴州見上報曰待吾先滅全忠還掃鼠

輩如秋葉耳重榮曰待公自關東還吾為虜矣不若

先除君側之惡退擒全忠易矣時朱玫李昌符亦陰

僖宗奔鳳翔

掃鼠輩如秋葉

附於全忠克用乃上言攻昌符與全忠相表裏欲共

滅臣臣不得不自救已集蕃漢兵十五萬決以來年

濟河北討二鎮不近京城保無驚擾還滅全忠以雪

讎恥上遣使者諭釋寇蓋相望令孜遣攻昌符將本

軍及神策見上等軍合三萬人屯沙苑地名在西安府朝邑縣南

以討王重榮重榮發兵拒之告急於克用克用引兵

赴之十二月與重榮俱壁沙苑表請誅令孜及攻昌

符詔和解之克用不聽十二月合戰攻昌符大敗克

用進逼京城令孜奉天子幸鳳翔

田令孜劫上如寶雞

綱丙午二年春正月田令孜劫上如寶雞。目李克用還軍河中與王重榮同表請上還宮。因罪狀田令孜請誅之。令孜引兵入宮劫上幸寶雞。今鳳翔府寶雞縣。時令孜弄權再致播遷天下共忿疾之。朱攻李昌符亦恥為之用。且憚蒲重榮。晉陽李之彊更與之合。綱朱攻李昌符追逼車駕上復走入太散關。即散關在寶雞縣。目攻攻散關不克。襄王煜。蘊平。肅宗之玄孫也。為攻所得與之俱還。鳳翔克用還太原。重榮與攻昌符表請誅田令孜。綱二月至興元。見上。綱三月以孔緯杜

王行瑜還斬朱玫

讓能同平章事。綱夏四月朱攻奉襄王煜權監軍國事還京師。以鄭昌圖同平章事。秋七月朱攻遣王行瑜寇興州。今漢中府沔縣。詔神策都將李茂貞拒之。綱八月王潮陷泉州。福建觀察使陳巖表潮。綱冬十月朱攻立襄王煜稱帝改元。綱十一月董昌取越州。今浙江紹興府。董昌令錢鏐取越州。綱十二月王行瑜還長安。斬朱攻。煜奔河中。王重榮殺之。傳。轉去聲。首行在目中尉楊復恭傳檄。吸關中。京師長安也。曰得朱攻首者以靜難節度。治西安府邠州。使賞之。王行瑜戰數。朔敗與其

下謀曰。今無功。歸亦死。曷若與汝曹斬致首。定京城。迎大駕。取邠寧。見上節鉞乎。遂引兵歸長安。擒致。斬之。裴澈。鄭昌圖。奉襄王奔河中。重榮執焜。殺之。傳首行在。綱田令孜自為西川。見上監軍。令孜自知不為天下所容。故也。  
綱丁未。三年春正月。以王行瑜為靜難軍節度使。李茂貞領武定節度使。楊守亮為山南西道。治陝西。漢中府。節度使。綱以董昌為浙東。治越州。觀察使。錢鏐為杭州。見上刺史。綱二月。流田令孜於端州。今廣東。肇慶府。  
綱三月。車陳敬瑄竟不行。綱代北節度使李國昌卒。綱三月。車

張全義治河南

駕至鳳翔。綱夏六月。以李罕之為河陽。今河南。懷慶府。孟縣。節度使。張全義為河南。今河南。河南府。尹。李克用表用之也。  
綱初。東都即河南府。荐屢也。經寇亂。居民不滿百戶。全義選麾下十八人。材器可任者。人給一旗一榜。謂之屯將。使詣十八縣故墟落中。植旗張榜。招懷流散。勸之樹藝。蠲其租稅。惟殺入者死。餘但笞杖而已。由是民歸之者如市。又選壯者教之戰陳。以禦寇盜。數年之後。都城坊曲漸復舊制。諸縣戶口率皆歸復。桑麻蔚然。野無曠土。全義明察。人不能欺。而為政寬簡。出見田疇美

張公見佳  
麥良繭則  
笑

者輒下馬與僚佐共觀之。召田主勞去聲以酒食。有蠶  
麥善收者或親至其家。悉呼出老幼。賜以茶綵衣物。  
民間言張公不喜聲伎。見之未嘗笑。獨見佳麥良繭  
則笑耳。有田荒穢者。則集衆杖之。或訴以乏人牛。乃  
召其鄰里責使助之。由是鄰里有無相助。比戶豐實。  
凶年不饑。遂成富庶焉。綱秋九月。以張濬同平章事。  
綱戊申。文德元年春正月。以朱全忠為蔡州今河南汝寧府  
四面行營都統討秦宗權也。綱二月。以楊行密為淮南見  
七上畱後。綱帝至長安。綱三月朔日食。既綱立壽王傑

昭宗有恢  
復前烈之  
志

為皇太弟。帝崩。太弟即位。目上疾大漸。見上卷觀軍  
容使楊復恭請立皇弟壽王傑。是日下詔立傑為皇  
太弟。中尉劉季述遣兵迎傑。上崩。遺制太弟即位。更  
名敏。以韋昭度攝冢宰。昭宗體貌明粹。有英氣。喜文  
學。以僖宗威令不振。朝廷日卑。有恢復前烈之志。尊  
禮大臣。夢想賢豪。踐祚之始。中外忻忻焉。綱冬十月。  
葬靖陵。在西安府乾州。綱十二月。蔡將申叢執秦宗權以降。  
昭宗皇帝初名敏。更名暉。懿宗第七子。僖宗崩。宦者  
壽三十八歲。天祿已去。民心已離。雖欲救之。其安能乎。

綱鑑易知錄 卷五十九 唐昭宗 二十一

綱 己酉。昭宗皇帝龍紀元年。春正月。以劉崇望同平章事。二月。秦宗權伏誅。綱 三月。進朱全忠爵東平

郡。今山東兗州。王。綱 夏六月。以楊行密為宣歙。見五

十觀察使。綱 冬十一月。上更名曄。葉

綱 庚戌。大順元年。春二月。李克用攻雲州。目 克用將

兵攻雲州。今山西大同府。克其東城。防禦使赫連鐸求救於

盧龍。見同下。李匡威將兵三萬赴之。克用引還。綱 夏

四月。詔削奪李克用官爵屬籍。以張濬為招討制置

使。會諸道兵討之。目 赫連鐸李匡威請討克用。朱全

忠亦上言。克用終為國患。臣請與河北三鎮。見上卷八。共

除之。乞朝廷命大臣為統帥。初。張濬因楊復恭以進。

復恭中廢。更附田令孜。而薄復恭。復恭再用事。深恨

之。上知濬與復恭有隙。特親倚之。濬亦以功名為已

任。每自比謝安。見三四。裴度。見上卷三。克用薄其為人。聞

其作相。私謂詔使曰。張公好虛談而無實用。傾覆之

士也。主上采其名而用之。他日交亂天下。必是人也。

濬聞而銜。恨也。之。及全忠請討克用。上命二省御史

臺四品以上議之。以為不可者十六七。濬欲倚外勢。

張濬自比謝安裴度

張濬欲倚外勢以持

楊復恭

以擠復恭。乃曰：先帝再幸山南。道名治興元見沙陀

見上所為也。臣常慮其與河朔。北即河相表裏。致朝廷

不能制。今兩河藩鎮共請討之。此千載一時也。但乞

陛下付臣兵柄。旬月可平。孔緯曰：濬言是也。上曰：克

用有興復大功。今乘其危而攻之。天下其謂我何。緯

曰：陛下所言一時之體也。張濬所言萬世之利也。上

以二相言協。僂同勉從之。曰：茲事付卿二人。無貽

朕羞。乃以濬為河東。見上行營都招討制置使。孫揆

副之。綱昭義軍。治潞州今山西潞安府亂。殺畱後李克恭。克用弟

朱全忠取潞州。李克用遣兵圍之。詔以孫揆領昭義

節度使。綱六月。以朱全忠為宣武。見上宣義。即義成

節度使。綱秋。八月。李克用執招討副使孫揆以歸。殺

之。目張濬恐昭義遂為汴人。朱全忠所據。使孫揆將兵

二千趣潞州。八月。發晉州。今山西平陽府李存孝。見下聞之。以

三百騎伏於長子。今潞安府長子縣西谷中。擒揆及中使韓

歸範獻於克用。克用欲以揆為河東副使。揆曰：吾天

子大臣。兵敗而死。分也。豈能復事鎮使邪。克用怒。命

鋸之。不能入。揆罵曰：死狗奴。鋸人當用板夾。汝豈知

李克用板夾鋸孫揆

後唐明宗  
李嗣源

邪乃以板夾而鋸之。至死罵不絕聲。綱九月朱全忠遣兵圍澤州。見五十一卷。李克用養子存孝與戰破之。復

取潞州。綱李匡威攻蔚州。見上。李克用養子嗣源。胡

名魏信烈為李克用擊走之。綱冬十月李克用遣兵拒

官軍於趙城。今平陽府趙城縣。官軍潰。會張濬韓建鎮國節

度使治府華州。道還

綱辛亥二年春正月孔緯張濬罷以崔昭緯徐彥若

同平章事。貶孔緯張濬遠州刺史。復李克用官爵。

綱二月加李克用中書令。貶張濬繡州。故城在廣西梧州府陸川

縣司戶。張濬奔華州依韓建與孔緯密求援於朱

全忠。全忠表訟其寃。朝廷不得已並聽自便。

華陽范氏曰李克用有復唐社稷之功朱全忠欲殺之而朝廷不詰全忠與諸鎮以請討克用則遽從之有功臣見討有罪者不誅昭宗所以失政而海內愈亂者由張濬為此役也唐之將亡譬如人有必死之疾使和扁救之未必能起也而庸醫妄藥以攻之使非疾所疾不攻豈不速其死乎

見十卷音和扁醫和扁鵲也左傳昭公元年晉侯求醫於秦秦伯使醫和視之扁鵲

綱夏四月彗星見赦天下。綱彗星見五卷出三台。見

三卷十八太微。天帝南宮長十丈餘。

綱監賜和錄。卷五十九唐昭宗。二三

庸醫速死

昭宗以赦  
禳彗



致堂胡氏曰星亭三台入太微三台宰輔也太微帝庭也其象著矣其戒明矣使君相仰而察俯而思各正厥事欲銷去之禍之來也庶可禦乎乃徒以赦令穰之惡人幸焉良民病焉於是上帝震怒不復可解而姦雄好亂之人各勵其芒氣以掃玉室如葦之為矣

王建據成都後號蜀

綱冬十月以王建養子為西川成都府節度使

楊行密據淮南後號吳

綱壬子景福元年春三月以鄭延昌同平章事綱夏六月楊行密擊孫儒秦宗權將文德元年四月龔斬之遂歸揚州綱秋八月以楊行密為淮南見上十九節度使淮南被兵六年士民轉徙幾盡行密能以勤儉足用非公宴未嘗舉樂招撫流散輕徭薄斂未及數

年公私富庶幾復承平之舊

綱癸丑二年春正月以柳玼見上卷二為瀘州刺史柳氏自公綽又五七卷八以來世以孝

柳氏孝悌禮法

悌禮法為士大夫所宗玼為御史大夫上欲以為相

弟柳玼戒子

宦官惡之故出之於外玼嘗戒其子弟曰凡門地高可畏不可恃也立身行己一事有失則得罪重於他

人死無以見先人於地下此其所以可畏也門高則

驕心易生族盛則為人所嫉懿行實材人未之信小

有疵慈類類眾皆指之此其所以不可恃也故

膏梁子弟學宜加勤行宜加勵僅得比他人耳。綱夏。

五月王潮取福州今福建福州府。大順二年福建

欲授以軍政未至而卒都將范暉自為雷後發兵拒

潮至是潮攻福州暉棄城走潮入福州自稱雷後

綱秋七月楊行密克廬州。先是廬州今江南廬州府刺史

蔡儔發楊行密父祖墓遣使求救於朱全忠全忠惡

其反覆牒移文也報行密行密遣李神福將兵討儔至

是克而斬之左右請發儔父母冢行密曰此儔之罪

也吾何為效之。致堂胡氏曰父母冢見發人子至痛之情也攻儔斬之怨可釋矣儻稱其犯而報之然後快是

楊行密不效蔡儔

李茂貞後號岐後號秦

賜王行瑜鐵券

自為寇也行密於是知孝道之輕重矣宜其能駕馭羣材而霸有一方也

綱九月以錢鏐為鎮海節度治浙江杭州府使。綱以韋昭度

崔胤同平章事。綱冬十月以李茂貞為鳳翔兼山南

西道節度使。目於是茂貞盡有鳳翔今陝西鳳翔府秦

今陝西漢中府洋今漢中府洋縣隴今鳳翔府隴州秦今陝西鞏昌府秦州

十五州之地。綱以王潮為福建觀察使法書此閩王

十一月以王行瑜為太師號尚父賜鐵券法書子儀嘗

矣書尊此其書號何行瑜不足尊也。註卷二鐵券一

終綱目書賜鐵券三皆終反者也

一見四九卷二六一見五四卷四

歇後鄭五  
作宰相

綱甲寅乾寧元年春二月以鄭綰起同平章事。目綰好詼諧多為歇後詩。譏嘲瓜平時事。上以為有所蘊手注班簿命以為相。聞者大驚。堂吏往告之。綰笑曰。諸君大誤。使天下更無人。未至鄭綰吏曰。特出聖意。綰曰。果如是。奈人笑何。既而賀客至。綰搔首言曰。歇後鄭五作宰相。時事可知矣。累讓不獲。乃視事。綱夏五月鄭延昌罷。六月以李谿同平章事。尋罷之。秋七月鄭綰致仕。以徐彥若同平章事。綱八月楊復恭等伏誅。大順二年九月上恨復恭專橫出為鳳翔監軍復恭慍懟不肯行稱疾致仕十

門生天子  
劉隱復號  
南漢

月復恭謀逆走興元與楊守亮舉兵拒命。景福元年二月遣李茂貞討之。八月取興元。復恭守亮奔閬州。是年七月茂貞克閬州。八月復恭帥其音閬音郎。黨出走。韓建獲之。獻於闕下。斬於獨柳。註閬州今四川保寧府。獨柳地名。其地獨有柳一株。因名。目李茂貞獻復恭與楊守亮書。訴致仕之由。云承天門。乃隋家舊業。大姪但積粟。訓兵。勿貢獻。吾於荆榛中立壽王。纔得尊位。廢定策。國老有如此負心。門生天子。綱以劉隱為封州。見上卷十三刺史。綱乙卯二年春正月。以陸希聲同平章事。二月復以李谿同平章事。三月罷。綱以劉仁恭為盧龍。治直隸

平節度使綱崔胤罷。以王搏同平章事。綱揚行密取濠州。目行密攻濠州。今江南鳳陽府拔之。掠得徐州。今江南

李氏子。生八年矣。養以為子。其長子渥。憎之行密。謂

其將徐溫曰。此兒質狀性識。頗異於人。吾度鐸渥必

不能容。今賜汝為子。溫名之曰知誥。知誥勤孝。過諸

子。溫愛之。及長。喜書善射。識度英偉。行密謂溫曰。知

誥俊傑。諸將子皆不及也。綱夏四月。陸希聲罷。綱以

劉建鋒為武安節度。治湖廣長沙府使目建鋒以馬殷為內

外馬步軍都指揮使。綱五月。王行瑜李茂貞韓建舉

徐知誥後號南唐復姓李更名昇

馬殷後號楚

二鎮犯闕

兵犯闕。殺韋昭度。李谿。目初王行瑜求為尚書令。不

得。韋昭度密奏以為不可怨朝廷。王珂。軻王珙。拱爭河中。行瑜

及韓建李茂貞皆為珙請。不能得。珂珙皆重榮子。珂珙

表請賜珂節鉞。珙厚結行瑜。茂貞韓建。更上表請以珙為河中。上允克用之奏。以珂為護國。留後。護國

軍即河中。恥之。行瑜。茂貞。建。各將精騎兵數千人入

朝。奏稱南北司。見上卷互有朋黨。隳灰柰朝政。韋昭

度討西川失策。初西川節度使陳敬瑄。拒命韋昭度。與王建討之。三年不能克。昭度竟為

建所李谿作相。不合眾心。請誅之。上未之許。行瑜等

輒殺之。請除王珙河中。上許之。三帥皆還本鎮。尋李

後唐莊宗  
李存勖

進李克用  
爵晉王

河漲

舉兵討三鎮。茂貞韓建上表請罪。上諭克用專力討行瑜。**綱**秋七月。以崔胤同平章事。**綱**制削奪王行瑜官爵。以李克用為招討使。討之。**目**詔李克用討王行瑜。克用遣其子存勖詣行在。時上避亂在西安府淳化縣石門鎮。年十一。上奇其狀貌。撫之曰。兒方為國之棟梁。他日宜盡忠於吾家。**綱**崔昭緯罷。冬十月。以孫俛握同平章事。**綱**十一月。李克用克邠州。見上十八。靜難節度。王行瑜伏誅。**綱**十二月。進李克用爵晉王。陽。今山西太原府河東軍治也。**綱**李克用還晉陽。**綱**丙辰三年夏四月。河漲。**綱**武安軍亂。殺劉建鋒。

王審知後  
號閩

推馬殷為留後。秋七月。崔胤罷。八月。以朱朴同平章事。**綱**九月。以王潮為威武軍治福建福州府節度使。**綱**以崔胤崔遠同平章事。冬十月。以錢鏐為鎮海見上五鎮東治浙江節度使。**綱**以劉隱為清海軍名。治廣東廣州府行軍司馬。**綱**丁巳四年春正月。立德王裕為皇太子。冬十月。立淑妃何氏為皇后。**綱**十二月。威武節度使王潮卒。**目**王潮以弟審知為觀察副使。有過猶加捶撻。審知無怨色。潮寢疾。捨其子而命審知知軍府事。

綱戊午。光化元年春三月。以朱全忠為宣武宣義具。上二天平治山東兗州府節度使。綱以馬殷知武安雷後

秋九月。以王審知為威武節度使。

綱己未。二年春正月。崔胤罷。以陸展同平章事。綱秋

九月。以李茂貞為鳳翔見上彰義治河南汝寧府節度使。

綱庚申。三年夏六月。以崔胤同平章事。殺司空同平

章事王搏。綱王搏明達有度量。時稱良相。上素疾樞

密使宋道弼。景務脩專橫。崔胤日與上謀去之。由是

南北司益相憎疾。各結藩鎮以相傾。搏恐其致亂。從

容言於上曰。官官擅權之弊。其勢未可猝除。宜俟多

難漸平。以道消息。胤聞之。謂搏為道弼輩外應。上疑

之。及胤罷相。意搏排已。恨之。遺去聲朱全忠書。使表論

之。上不得已。召胤復相之。貶搏崖州今廣東瓊州府司戶。流

道弼驩州見上務脩愛州見四五皆賜自盡。於是胤

專制朝政。勢震中外。官官皆側目。綱秋九月。以徐彥

若為清海見上節度使。綱崔遠罷。以裴贄同平章事。綱

冬十一月。中尉劉季述幽上於少陽院。而立太子裕。

綱自宋道弼景務脩死。官官皆懼。中尉劉季述王仲

劉季述幽上於少陽院

先。樞密王彥範薛齊偓<sub>握</sub>等陰相與謀立太子。至是上獵苑中夜醉歸手殺黃門侍女數人。明日加辰巳宮門不開季述帥禁兵千人破門而入具得其狀出謂崔胤曰主上所為如此豈可理天下廢昏立明自古有之為社稷大計非不順也胤不敢違季述名百官陳兵殿庭作胤等狀請太子監國胤及百官皆署之將士大呼入思政殿上驚起季述等出狀白之曰此非臣等所為皆南司衆情不可遏也即扶上與何后同輦<sub>見五二</sub>嬪御纒十餘人適少陽院季述以

銀槌數罪

銀槌<sub>見四七</sub>畫地數<sub>上</sub>罪數十乃手鎖其門鎔鐵

李振說朱全忠

固之穴牆以通飲食季述迎太子入宮矯詔立之崔胤密致書朱全忠使興兵圖反正季述遣其養子希度詣全忠許以唐社稷輸之全忠猶豫<sub>見九卷</sub>未決副使李振獨曰王室有難霸者之資也公為唐桓文安危所屬<sub>祝</sub>宦豎<sub>汝</sub>囚廢天子不能討何以復令諸侯且幼主位定則天下之權盡歸宦官矣全忠大悟即囚希度遣親吏蔣玄暉如京師與崔胤謀之

綱辛酉天復元年春正月朔神策指揮使孫德昭等

新金易知錄 卷五十九 唐昭宗

討劉季述等皆伏誅。上復于位。黜太子裕為德王。神策見上指揮使孫德昭自季述等廢立常憤惋不平。崔胤聞之遣判官石晉說之曰。今反者獨季述仲先爾。公誠能誅此二人。迎上皇復位。則富貴窮一時忠義流千古。苟狐疑不決。則功落他人之手矣。德昭曰。相公有命。不敢愛死。遂結右軍都將董彥弼周承誨謀以除夜伏兵安福門外以俟之。正旦仲先入朝。德昭擒斬之。崔胤迎上御長樂門樓。帥百官稱賀。周承誨擒劉季述。王彥範繼至。方詰責。已為亂梃所

孫德昭誅  
劉季述

三使相

斃薛齊偓赴井死。出而斬之。上曰。裕幼弱。非其罪。黜為德王。賜德昭姓名李繼昭。承誨姓名李繼誨。彥弼亦賜姓。皆以使相唐節度使兼平畱宿衛。時人謂之三使相。上寵待胤益厚。朱全忠由是亦益重李振。**綱**進朱全忠爵為東平。見上。王李茂貞為岐。見上。二王**綱**以韓全誨張彥弘為中尉。袁易簡周敬容為樞密使。書中尉樞密。綱日間書之矣。未有如此其備也。此法其備書何惜之也。曷為惜之。於是四逆既誅。崔陸獻策。可以從之矣。而謀於武卒。復用宦者。此機一失。激為南北角立之勢。卒之崔胤外名。朱溫而唐遂亡矣。故備**目**崔胤陸扈上言禍亂之興。皆由中官典

綱鑑易知錄 卷五十九 唐昭宗 三一



兵乞令胤上左軍。宸上右軍。則諸侯不敢侵陵。王室尊矣。上召李繼昭等謀之。皆曰。臣等累世在軍中。未聞書生為軍主。若屬祝南司。必多所變更。不若歸之北司。為便。於是復以宦者為中尉。胤以宦官終為肘腋之患。欲以外兵制之。會李茂貞入朝。胤諷茂貞留兵宿衛。以假子繼筠云將之。諫議大夫韓偓以為不可。胤不從。**綱**二月。以王溥裴樞同平章事。**綱**夏五月。以朱全忠為宣武宣義天平俱見上護國治山西平陽府蒲州節度使。**綱**李茂貞入朝。**目**茂貞至京師。韓全誨深與

朱全忠兼領四鎮

相結。崔胤始懼。益厚朱全忠。而與茂貞為仇敵矣。**綱**六月。解崔胤鹽鐵使。**目**特筆也。自是胤始懼。**目**時上悉以軍國事委崔胤。宦官側目。胤欲盡除之。上獨召翰林學士韓偓問之。對曰。今不若擇其尤無良者數人。明示其罪。寘之於法。然後撫諭其餘。有善則獎。有罪則懲。則咸自安矣。此曹在公私者。以萬數。豈可盡誅邪。夫帝王之道。當以重厚鎮之。公正御之。至於瑣細機巧。此機生。則彼機應矣。終不能成大功。況今朝廷之權。散在四方。苟能先收此權。則事無不可為。

韓偓論除宦官

此機生則彼機應

者矣。上深以為然。曰：此事終以屬卿。胤復請盡誅

宦官。宦官得胤密謀，日夜謀所以去胤者。時胤領三

司。韓全誨等教禁軍對上諠譟，訴胤減損冬衣。上不

得已，解胤鹽鐵使。時朱全忠、李茂貞各有挾天子令

諸侯之意。胤知謀泄，事急，遣去聲全忠書稱被密詔，令

全忠以兵迎車駕。**綱**冬十月，朱全忠舉兵發大梁。今

南開封府，即汴州。**綱**十一月，韓全誨等劫帝如鳳翔。

朱全忠取華州。見上二韓建**目**韓全誨等聞全忠將至，令

李繼誨、李彥弼等勒兵劫上，請幸鳳翔。見上二五全忠至

胤胤名朱全忠

韓全誨劫帝如鳳翔

河中。即蒲州。見上護國。表請車駕幸東都。洛陽京師大駭。全誨

等陳兵殿前，言於上曰：全忠欲劫天子幸洛陽，求傳

禪。臣等請奉陛下幸鳳翔，收兵拒之。上不許，拔劍登

乞巧樓。全誨等逼上下樓，上不得已，與后妃諸王百

餘人皆上馬，慟哭而出。李茂貞出迎，上下馬慰接之。

還入鳳翔。全忠議引兵還，張濬說之曰：韓建、茂貞之

黨，不取之必為後患。乃引兵逼其城，建單騎迎謁。全

忠以建為忠武。見上節度使以兵送之。**綱**朱全忠引

兵至鳳翔城東而還。**目**朱全忠至長安，宰相帥百官

朱全忠至鳳翔而還

班迎至鳳翔軍於城東李茂貞登城謂曰天子避災

非臣下無禮讒人誤公至此全忠報曰韓全誨劫遷

天子今來問罪迎扈戶。迎。駕扈從。還宮岐王若不預謀何

煩陳諭上屢詔全忠還鎮全忠乃拜表奉辭移兵趣

邠州見上節度使李繼徽請降復姓名楊崇本李茂

貞以詔命徵兵河東見上李克用遣李嗣昭將五

千騎趣晉州即河與汴見上兵戰於平陽北破之綱

以盧光啓參知機務崔胤裴樞罷綱十二月清海節

度使徐彥若卒目彥若遺表薦劉隱權畱後終

李茂貞名  
李克用

早稲田大学図書館

011688996513